

湖南苗防屯政考

4卷
1932
3





門 4  
編 1332  
卷 2



湖南苗防屯政考卷二

二品銜前署湖南辰永沅靖道但湘良纂

建置

苗疆府廳州縣建置沿革表

辰州府治沅陵縣舊領州一沅州縣四沅陵瀘溪辰谿溆浦州領  
縣二黔陽麻陽康熙四十三年以府境鎮溪所地置乾州廳四十  
八年以鎮筸鎮地置鳳凰廳雍正九年以吉多營置永綏廳乾隆  
元年陞沅州為府嘉慶二年陞乾州鳳凰永綏為直隸廳今領縣  
四沅陵瀘溪辰谿溆浦瀘溪本作盧溪康熙間改盧為瀘辰谿本  
作辰溪乾隆間改溪為谿



永順府治永順縣舊爲永順保靖二宣慰司桑植安撫司地雍正四年設永順保靖二同知隸辰州府桑植同知隸岳州府七年以永順同知地置永順龍山二縣以保靖桑植二同知地置保靖桑植二縣罷三同知置永順府今領縣四永順保靖龍山桑植

沅州府治芷江縣舊爲沅州隸辰州府領縣二黔陽麻陽乾隆元年陞府以州地置芷江縣嘉慶二十二年析芷江縣晃州巡司地置晃州直隸廳今領縣三芷江黔陽麻陽

乾州廳舊爲鎮溪千戶所地康熙四十三年置乾州廳隸辰州府嘉慶二年陞直隸廳

鳳凰廳舊置五寨篁子坪二長官司康熙三十九年設鎮篁鎮四

十三年於鎮地鳳凰營設通判四十八年移通判駐鎮城置鳳凰廳隸辰州府嘉慶二年陞直隸廳

永綏廳舊爲六里苗地雍正八年建吉多營九年以營地置永綏廳隸辰州府嘉慶二年陞直隸廳移治花園堡

晃州廳舊設晃州巡司隸沅州乾隆元年沅州陞府設芷江縣巡司隸之嘉慶二十二年移府屬涼傘汛通判駐晃州爲直隸廳

靖州舊爲直隸州領縣四會同通道綏甯天柱雍正七年天柱縣改隸貴州鎮遠府乾隆三年以寶慶府城步縣來屬七年復歸寶慶今領縣三綏甯會同通道

補道光二年分永順縣地置古丈坪廳改永順府古丈坪督捕同











永順府

兩漢晉宋齊梁陳隋

唐

五代宋

元

明

永順府

武陵郡  
武陵郡  
武陵郡  
天

沅陵  
澧陽  
地二郡

羈縻永順等永順等

永順處軍民處軍民

州屬宣撫司宣慰使

湖路初置安司洪武

正中改陸屬湖

初併入

撫司

溪州下溪羈縻  
靈溪州  
郡屬蠻

沿革表

五

湖南古蹟考

卷二











































處各建倉十間各貯穀三千石以備兵苗借糶但目今城垣及文武官署尙未創建應俟竣工之日然後將應儲穀石建倉工料動支公帑飭發永綏同知辦理並令收管備糶年底結報又苗民耕種原有勤惰不一今永綏新闢地方自應責成文員督率獎勵又稱永綏地方原隸乾州向設百戶今應照舊安設各里駐有汛弁之所一同住居遇事商辦有急同報應無歧誤又稱永綏雜糧從前額設七十二石八斗四升責令各百戶徵收撥充鎮筵兵米今建設營制業已清編苗寨煙戶除老幼孤寡免徵外其餘年壯有室家之苗則令永綏同知於各里戶口按照七十二石八斗四升原額逐戶均攤免使偏重偏輕每年徵收稅銀以充兵米其鎮筵

兵米應請另給折色又稱永綏民苗兵丁宜結姻親以潛移習俗查苗民既已向化則是與民無異應如所議准許民苗兵丁結親令其日相親睦以成內地風俗又稱六里每里設立義學兩處於乾鳳兩廳苗生中擇其通曉文藝者各里延師二人每年於通省公項內請給廩餼十六兩令其化導苗童夫性近習遠在在皆然各苗從前之所以掠劫爲非者猶未睹詩書禮法今自應乘苗童知識乍開擇立苗生講解教習若從學日多義館不敷許其隨時請增日後久道化成另請設立學校又稱苗糧宜照鎮筵事例存畱守餉二十分選擇熟諳苗目量其勞逸定其多寡按季給以工食以爲跣緝引路之貲又稱永綏千總缺出卽於本營把總內揀



選呈送考補把總缺出擇外委馬兵百隊考補外委擇馬兵考補俱於本營內擇諳練邊情人地相宜者呈送考驗其或弓馬稍平果屬人地相宜亦聲明請准拔用又稱兵丁月米應仍按季給以本色令辰州府經由花園高巖南北兩河在於各屬倉穀按數動支碾米辦運並請動公項飭令永綏同知在於吉多坪排補美花園米糯四處各建倉貯收支放給本汛並各附近大小汛防兵糧就近關領其糧到河岸苗地無夫可僱卽令同知會同武員撥兵運貯仍量賞腳價於公項支給其兵米逐月分放年底出結奏報應領折色請援永順之例增給飭遵自雍正十年正月月起照數扣交辰州府查照各屬撥運米糧數目按數分發秋收買補還倉俟

本地耕種日廣可以採買卽行詳請發給折色令其自行買食又稱永綏副將一員同知一員經歷一員巡檢二員均應請給印信關防等情臣覆查無異除將圖摺送部外所有永綏一切善後事宜相應據詳會疏具

題







各殊如現在三廳均係長州府分駐廳員若一經改設知府則所屬州縣等官必須移改添設未免紛更臣姜晟前在軍營曾與和琳再三商酌當經和琳籌定莫如將三廳俱照四川松潘雜谷之例改為直隸廳凡有民苗交涉事件盡歸長沅道核轉則事權可期歸一並查苗疆人員舊例五年俸滿准以應陞銜畱任茲當苗疆甫經戡定之際正應量為變通相應請

**旨將三廳同知於到任之始即行准給陞銜不但外示觀瞻兼足以寓鼓勵如三廳既給陞銜則長沅一道為苗疆統轄大員亦應加恩賞給按察使銜於表率屬員彈壓地方均有裨益至苗疆向例五年俸滿准以陞銜畱任註冊須俟再滿三年察其治行卓越撫綏**

得宜方以應陞缺出題補如政績未能卓異人才僅屬穩妥准題明畱任三年果能奮勉仍准保題陞銜再滿三年題陞等因查從前立法之初原欲以收久任之效惟是八年十一年之例年分太遠在無志上進者但以循分為養安之地其才具可用者又不免以久滯而生怠惰之心殊非慎重地方之道且現當苗頑乍格更須講求吏治整飭有為合無仰懇

**聖恩將長沅道以下至三廳佐雜現任人員如果辦事實心撫綏有效概以三年俸滿即准分別保題陞用俟此任之後善後事宜全竣地方照常甯謐所有三廳及永順苗疆仍定以五年俸滿以應陞之缺即用如此則久暫合宜可期行之永遠此項苗疆人員三年**



湖南直隸州正考 卷二  
五年之內仍令該督撫隨時察看倘有不能勝任之員卽隨時參劾毋任姑容貽誤亦不得於平庸之員濫行題補至三廳所屬鳳凰廳原設巡檢兩員分駐小鳳凰營及五寨司永綏廳原設經歷一員巡檢兩員分駐花園排補美乾州廳原設巡檢一員茲三廳既改爲直隸同知加知府頂戴則該衙門應各設經歷一員以符體制除永綏本原設有經歷毋庸置議外其鳳凰廳五寨司及乾州巡檢均應改爲苗疆經歷兼管司獄事務在外揀員陞補並應於乾州廳屬添設巡檢一員分駐河溪以資彈壓其排補美地方孤懸苗地此刻苗境內營汛旣已歸併則該巡檢衙門止應移駐隆團用資聯絡又麻陽一邑前經臣姜晟奏改爲繁缺所管巖門

地方實爲鎮守緊要後路該處原設有巡檢一員缺分過小應請添設麻陽縣縣丞一員分駐巖門其原設巡檢移於高村更爲得要如蒙

俞允所有應定廉俸役食及建造衙署事宜容臣姜晟會同督臣另行籌定奏明辦理以上各事宜從前和琳旣經分別酌定未及具奏茲當大功將次告竣正應再加調劑其武職營制一切章程統俟疏通大路之後再行詳細核辦合併聲明爲此不揣冒昧恭摺奏聞是否有當伏乞

皇上睿鑒敕部核議施行謹

奏







之際正須量爲變通相應請

旨將三廳同知於到任之始卽行准給陞銜不但外示觀瞻兼足以寓鼓勵如三廳同知於到任之始卽行准給陞銜則辰沅道亦應請給按察使銜於表率屬員彈壓地方均有裨益至苗疆向例五年俸滿加銜三年以陞缺題補惟是年分太遠在無志上進者以循分爲養安之地才具可用者又不免久滯而生怠惰之心仰懇

聖恩將辰沅道以下至三廳佐雜現任人員概以三年俸滿卽准分別保題陞用俟此任之後善後事宜全竣地方甯謐及永順苗疆仍定爲五年俸滿至鳳凰廳原設巡檢兩員分駐本城及小鳳凰營永綏廳原設經歷一員巡檢兩員分駐花園排補美乾州廳城原

設巡檢一員茲三廳既改爲直隸同知應各設經歷一員以符體制除永綏經歷毋庸議外其鳳凰廳巡檢及乾州廳巡檢均應改爲苗疆經歷兼管司獄事務在外揀員陞補另於乾州廳屬添設巡檢一員分駐河溪其排補美巡檢移駐隆團用資聯絡又麻陽一邑所管巖門地方原設巡檢一員缺分過小應請添設縣丞一員分駐巖門其原設巡檢移於高村更爲得要等語查定例湖南辰州府乾州同知永綏同知鳳凰同知令該督揀員題補五年俸滿保題以陞銜畱任再滿三年遇有應陞之缺題請陞用又各省應需人員管理止准於通省內改調不得具奏增添致滋糜費等語今湖南鳳凰永綏乾州三廳前經欽奉



諭旨令於三廳內酌改知府歸於善後事宜酌辦現據明亮等奏稱改爲直隸廳及添設縣丞巡檢酌改知府經歷與尋常更改者不同應如所請鳳凰永綏乾州三廳准其改爲直隸同知凡苗民事件歸辰沅道核轉鳳凰城巡檢乾州城巡檢准其改爲苗疆經歷兼管司獄事務乾州廳屬准其添設巡檢一員移駐河溪永綏廳排補美巡檢准其移駐隆團麻陽縣准其添設縣丞一員分駐巖門其原設巡檢准其移駐高村至所稱鳳凰永綏乾州三廳改爲三年俸滿查核三廳向係五年俸滿方准保題加銜再滿三年方准陞用今既改爲直隸廳足資彈壓若遽准三年俸滿陞用未免過優但據稱年分太遠則無志上進者惟知循分養安才具可用者

不免久滯生怠等語自爲隨時鼓勵賢員起見臣等會同詳議應請酌定年限該三廳改設各官定以三年俸滿准其加知府銜畱任再滿三年准其保題以知府陞用以歸核實而示獎勵自此任之後善後事宜全竣地方照常甯謐仍照舊例辦理其所稱鳳凰永綏乾州三廳到任後給予陞銜辰沅道給予按察使銜之處查各省海疆苗疆烟瘴各員俸滿之後方准給予陞銜並無一經到任卽題請給予陞銜之例其道員加按察使銜均係奉

**特旨**賞給亦未便援以爲例應將明亮等奏請鳳凰永綏乾州三廳到任後給予陞銜其辰沅靖道加按察使銜之處均毋庸議所有改設官員應定廉俸及建造衙署各事宜應交該督撫會同籌議



具奏到日再行核辦所有 臣等悉心會議緣由謹繕摺具

奏是否有當伏候

皇上睿鑒訓示等因嘉慶元年十一月二十六日奉

旨依議欽此

部覆新設麻陽縣縣丞乾州廳巡檢俱定為苗疆要缺在外

揀調 嘉慶三年七月准咨

吏部咨開文選司案呈准 總督銜湖南巡撫部院姜 咨稱新

設麻陽縣巖門縣丞乾州廳河溪巡檢奉部行令擬定繁簡字樣

報部註冊等因查麻陽縣巖門地方為鎮筸緊要後路逼近苗疆

又乾州河溪地方孤懸苗地今巖門添設縣丞一員河溪添設巡

檢一員均非初任之員所能勝任應請俱定為苗疆佐雜要缺在

外揀調陞補相應咨達示覆等因前來查嘉慶元年十一月將軍

明亮等酌定苗疆邊俸案內乾州廳添設巡檢一員分駐河溪麻

陽縣添設縣丞一員分駐巖門當經本部照例准其添設行令該



撫等擬定繁簡字樣報部註冊在案今該撫等以麻陽巖門地方  
為鎮守緊要後路逼近苗疆乾州廳河溪地方孤懸苗地應請俱  
定為苗疆佐雜要缺在外揀調陞補等語應照咨新設麻陽縣巖  
門縣丞乾州廳河溪巡檢俱准其定為苗疆要缺在外揀調俸滿  
之員照例咨部核辦相應咨覆該撫可也

部覆鳳乾永三廳各官換鑄關防印信

嘉慶三年九月准咨

吏部為咨行事議得禮部咨送禮科鈔出湖南巡撫姜晟等疏稱  
湖南乾州廳等各員經部議准分別改設移駐所有關防印信應  
行擬定題請鑄給茲據湖南布政使鄭源濤等詳稱乾州鳳凰永  
綏廳各員准其改設移駐所有關防印信合行擬定字樣詳請題  
明鑄給其乾州廳巡檢准其改為經歷兼管司獄所有應鑄印信  
擬以乾州廳經歷兼管司獄事務印字樣添設河溪巡檢擬以乾  
州廳河溪巡檢司之印字樣鳳凰廳巡檢准其改為經歷兼管司  
獄所有應鑄印信擬以鳳凰廳經歷兼管司獄事務印字樣永綏  
廳排補美巡檢准其移駐隆團所有換鑄印信擬以永綏廳隆團



巡檢司之印字樣麻陽縣准其添設縣丞一員分駐巖門所有應鑄關防擬以麻陽縣巖門縣丞兼管驛務之關防字樣其原設巡檢准其移駐高村所有應換印信擬以麻陽縣高村巡檢兼管驛務印字樣又乾州鳳凰永綏三廳原鑄關防乾州鳳凰二廳均有辰州府分防字樣其永綏廳關防雖無辰州府分防等字但有吉多坪三字今三廳既改爲直隸廳與郴靖澧桂四直隸州相等四州印內均鑄某州之印並無直隸字樣所有乾州廳擬以乾州廳同知之關防鳳凰廳擬以鳳凰廳同知之關防永綏廳擬以永綏廳同知之關防以符體制而昭畫一各等情所有擬定關防印信字樣會同湖廣總督伯臣景安具題伏乞

敕部查核鑄給再原頒乾州鳳凰永綏三廳並各處巡檢關防印信俟新頒到日另行鐫字繳銷等因具題奉

旨該部議奏欽此欽遵咨送到部今湖南巡撫姜晟等疏稱乾州鳳凰永綏三廳並移駐添設縣丞經歷巡檢應換鑄各印信關防擬定字樣並聲明乾州鳳凰永綏三廳原鑄關防乾州鳳凰二廳均有辰州府分防字樣其永綏廳關防雖無辰州府分防等字但有吉多坪三字今三廳既改爲直隸廳與郴靖澧桂四直隸州相等四州印內均鑄某州之印並無直隸字樣所有乾州廳擬以乾州廳同知之關防鳳凰廳擬以鳳凰廳同知之關防永綏廳擬以永綏廳同知之關防以符體制而昭畫一等語並造具清冊題請鑄給



前來應如該撫等所議乾州廳同知之關防乾州廳經歷兼管司獄事務印乾州廳河溪巡檢之印鳳凰廳同知之關防鳳凰廳經歷兼管司獄事務印永綏廳同知之關防永綏廳隆團巡檢司之印麻陽縣巖門縣丞兼管驛務之關防麻陽縣高村巡檢兼管驛務之印各字樣候

命下之日臣部兼寫清漢移咨禮部照例鑄就頒發其舊用關防印信統俟新關防印信頒發到日令該撫徑咨禮部銷燬合併聲明等因於嘉慶三年七月十八日奉

旨依議欽此

部覆苗疆改設添設各佐雜分管村莊道里嘉慶三年十月准咨

吏部咨開文選司案呈准總督銜湖南巡撫部院姜咨稱奉

准部咨鳳凰乾州永綏准其改為直隸同知鳳凰城巡檢乾州城巡檢准其改為苗疆經歷兼管司獄事務乾州廳屬准其添設巡檢一員移駐河溪永綏排補美巡檢准其移駐隆團麻陽縣准其添設縣丞一員分駐巖門其原設巡檢准其移駐高村等因所有改設添設移駐各佐雜各員分管村莊四至八道程途里數逐加查議鳳凰廳原設五寨司巡檢改為經歷一員請將鎮城東路小田牙衝蠻寨坪高栗坪龍潭長坪官莊黃坡度夜偉家橋上下萬召得都塘半坡茶羅塘衝溪口大灣坪桑毛坪至通踏坳與麻陽



屬交界鎮城南路山頭巖黃公衝三江口牛欄山地坪土黃潭濫泥山川溪坑栗山坡麻都灣水打田白毛坳與麻陽縣交界都洛約大都落小都落米巖溪皂泥潭三口毛塘司馬劫爆木林古坪山背長良古牛坪茶坪稱坨巖粟元塘官審坪檔木坪葛水朝天寨濫堪壩林寨金沙坪巖坎衝等處係境內黃落約黃落寨楊家寨中寨蔡家坪青水哨毛都宿馬路猴往同與麻陽縣江夏溪巖洞寨等處交界都桐約竹坪溪十八坪鹿角洞芭蕉腦黃家寨沙羅寨石柱茶田大灣都素都同新地溪塘坳麻子坳等處與黔省思州府交界鎮城西路大坳提溪白巖木林橋菖蒲塘土橋坳迴龍溪谿潭溪水東坪龍井上下栗林公廖家橋落毫永興坪外有

營哨民苗村寨係鳳凰營巡檢經管至龍潭河與黔省正大營交界大汊約燕窩場高坡高瓮來大汊楓木林上下天星塘犀牛壘安靖關與黔省交界治牙約巖寨治牙柎木衝杜望舒家塘上下桑田白果壘東坳坪亭子關與黔省交界鎮城北路上都吾約黃眾寨坪撩長甯哨殺牛坪花狗田奇梁橋青溪哨瓦湯牛耳洞黃巖江都洛瀘潭白巖洞牛隘外係前營苗寨鳳凰營巡檢經管至新寨泛石巖與永綏廳交界丁都吾約靖江營古衝都吾寨茶園坳斗柎山澎水井米蜡樹白腦田崗門等處與瀘溪堰水隴交界外有右營民村篁子坪衝筭長潭忙落灣溪餘係苗疆與乾州廳交界務頭約深陂楚里中寨黃連溪弓兵洞青山溪黃土坳得架



塘坨板以上等處係境內麻良約萬牙大坪木江坪罵楚牛場毛坪萬隴溪半衝巖隴底江水尾長浦溪長車小竹山均牛坪雷公洞與瀘溪麻陽二縣交界以上各約村寨分歸鳳凰廳經歷經管乾州廳原設巡檢改爲經歷並添設河溪巡檢分管村莊四至八道程途里數東至瀘溪縣屬猪腳洞交界計五村田家園溪口鐵鎮巖硬寨馬南至瀘溪縣屬免巖交界卽在廳城對河計十六村上岑盤下岑盤狗耳寨科目寨胡家園龔家寨紫荆坪大壩坪雙塘塘後廟坨桂花塘坪蠻坡耳坨龍潭西至鳳凰廳屬三礮臺交界計一村兩頭田北至保靖縣蕩坨交界計五十二村鎮溪所陳家坪望景坨烏帽衝新寨水井坨老寨場檀木井樟木溪竹坨溪

巖寨狗塘寨桐木潭鐵寨蜡洞溪上塲迷漣竹寨深坨高壩大灣營振武營溪頭涼水井補弩寨馬頸坨康家坪溪舟大坪洞長寨上廣寨上坪孫家坨杜鴉江底達犵壤榔木坪蕩磯石馬驛樓喬六寨大塘坡然洞坪隘口鴉枝寨龍頸寨著落村大著落毛坪小著落小江底大戶坪喜鵲營以上各村分歸乾州廳經歷經管東南至瀘溪縣屬上且已交界計三村柑木溪上丑坨下丑坨南至瀘溪縣屬茨衝交界計三村地蜡坪多除溪桃花坪西至永綏廳屬上高衝交界計十九村巖落寨石排寨百里黃泥灘新寨灣張排寨五金坪阿那毛坪卑討寨馬溪二排已肉海螺潭夯昔塔太平溪五龍寨桐油坪老樹村東北至永順縣屬保家樓交界計三



十一村黃東寨把金家鴉杓寨下百戶上百戶欄草坪藕茶茶坪  
小梁家大梁家把布寨那金寨螞蟻村標金柳坪大新寨小新寨  
白巖古石村上鑪峯下鑪峯中鑪峯野毛坪路魚坪王家屋場小  
茶坪張武村破片坪清水坪下標金上標金以上各村分歸河溪  
巡檢經管永綏廳原設排補美巡檢移駐隆團所管里分四至八  
道程途里數九里上五里上六里上七里上八里上十里東排科  
寨與乾州廳屬陽孟寨交界南至泛石巖與鳳凰廳屬黑土汛交  
界西至葫蘆坪與貴州松桃廳屬芭茅坪交界北至米糯與貴州  
松桃廳屬木樹汛交界東南至高巖與乾州廳屬高巖交界西南  
至篁子坳與貴州松桃廳屬篁子坳交界東北至谷坡與保靖縣

屬水田汛交界又與花園分都交界西北至茶洞與貴州松桃廳  
三叉塘交界又與四川秀山縣屬洪安汛交界以上分歸永綏廳  
隆團巡檢經管下五里下六里下七里下八里下十里東至躍馬  
卡與保靖縣屬未大湖交界南至排樓寨與隆團交界西至窩郎  
榜與隆團老望寨交界北至大木樹與保靖縣屬楊家坪交界東  
南至蜡耳堡與保靖縣古銅溪交界西南至夯都與隆團隆安寨  
交界東北至騎馬坡與四川秀山縣屬峨容交界西北至毛溝寨  
與保靖縣屬永和村交界以上分歸永綏廳花園巡檢經管麻陽  
縣添設巖門縣丞所管村莊四至八道程途里數巖門約石羊哨  
甲午巖約車頭甲逢耶白龍約潭石約白泥甲白羊甲東至濫泥



湖南直隸州志 卷二  
站南至沅州城西至縣城北至鎮筵城東路道通逢耶約與高村  
司所管之高村交界南路道通顏家坪與縣屬之齊江約交界西  
路道通寒池坳與縣屬之長良約交界北路道通石羊哨與鳳凰  
廳所屬之白栗樹交界東南路道通大蠻灣與芷江縣所屬之隆  
漣溪交界西北路道通桐油林與鳳凰廳所屬之白茅坡交界西  
南路道通移林灣與縣屬之南山交界東北路道通白羊甲與高  
村司所管之招諭交界以上各約甲分歸巖門縣丞經管麻陽縣  
原設巖門巡檢移駐高村所管四至八道程途里數高村約陶陽  
約袁坪約濫泥約下所約新營約倒牛約桑林約桐茶約東義甲  
東至倒牛坪與辰谿縣所屬之永旺莊交界南至黑衝與芷江縣

所屬之蠻山交界西至巖門棧北至辰谿縣棧東路道通全谿與  
辰谿縣所屬之中莊交界南路道通蠻衝山與芷江縣所屬之濫  
竹山交界西路道通窰內渡口與巖門縣丞所管之逢耶交界北  
路道通桐茶約與辰谿縣所屬之石灰坳交界東南路道通夏江  
田與芷江縣所屬之涼亭坡交界西北路道通巖寨與瀘溪縣所  
屬之葛樹交界西南路道通河路溪與巖門縣丞所管之痣木木  
嶺交界東北路道通九曲灣與辰谿縣所管之橋頭交界以上各約  
甲分歸高村巡檢經管即按撥定村莊飭令改設新設各員經管  
巡緝凡有奸匪逃盜以及私宰賭博等事責成查拏解交該廳縣  
審究戶婚田土等事不得擅自管理所管地方遇有疏防等事即



湖南苗防中政考 卷二  
將該經管縣丞巡檢查參毋庸再參典史又查乾州廳經歷承綏廳經歷隆團巡檢俱係佐雜要缺例應在外揀選調補麻陽縣高村巡檢應歸月選所有新設乾州廳河溪巡檢麻陽縣縣丞二缺業已咨部俱定爲苗疆佐雜要缺在外揀調陞補在案又原奏辰沅道以下三廳佐雜現任人員概以三年俸滿卽准分別保題陞用自此任之後善後事宜全竣地方甯謐俱照舊例辦理定以五年俸滿應將各該員分管村莊咨部示覆等因前來查定例湖南苗疆各缺令該督撫在外揀調陞補五年俸滿咨部卽陞等語又嘉慶元年十一月將軍明亮等奏酌定苗疆邊俸年限酌添佐貳案內請將辰沅道以下三廳佐雜現任人員概以三年俸滿俟此

任之後善後事宜全竣仍定爲五年俸滿再鳳凰廳乾州城巡檢請改爲苗疆經歷乾州廳請添設巡檢一員移駐河溪承綏廳排補美巡檢移駐隆團麻陽縣添設縣丞一員分駐巖門原設巡檢移駐高村用資聯絡等語經本部會同軍機議准在案今據該撫等將新設各官分管村莊里數造冊報部應如所擬辦理飭令新設各員經管凡有奸匪逃盜以及私宰賭博等事責成該員等查拏解交該廳縣審究戶婚田土等事不得擅專管理所管地方遇有疏防等事卽將該經歷縣丞巡檢查參毋庸再參典史相應咨覆該撫等並知照刑部可也



奏請移駐永綏廳協並改設營汛摺  
嘉慶六年  
 湖南祖之望  
 奏為永綏一廳今昔情形不同會籌量為變通扼要布置劃清民苗  
 界址以資控制而杜弊端奏請  
 聖訓事 臣等伏查苗疆三廳城垣應否移建曾欽奉  
 諭旨令和琳等於事竣後查勘具奏嗣於善後案內經和琳奏明毋庸  
 移動並稱永綏四面皆苗惟花園一帶本係民村仍聽民居居住復  
 業其餘苗地悉行歸苗並將永綏城附近大小塘汛四十八處全  
 行裁撤在案其修葺永綏城垣及建造月城礮臺西北山梁黃土  
 坡礮堡等項共估需工料銀三萬五千三百四十餘兩 臣祖之望

奏請移駐永綏廳協並改設營汛摺

嘉慶六年

湖南祖之望

奏為永綏一廳今昔情形不同會籌量為變通扼要布置劃清民苗

界址以資控制而杜弊端奏請

聖訓事 臣等伏查苗疆三廳城垣應否移建曾欽奉

諭旨令和琳等於事竣後查勘具奏嗣於善後案內經和琳奏明毋庸  
移動並稱永綏四面皆苗惟花園一帶本係民村仍聽民居居住復  
業其餘苗地悉行歸苗並將永綏城附近大小塘汛四十八處全  
行裁撤在案其修葺永綏城垣及建造月城礮臺西北山梁黃土  
坡礮堡等項共估需工料銀三萬五千三百四十餘兩 臣祖之望



到任後因未據該廳等領項興修當卽查案飭催旋據該廳同知王廷瑛等稟稱該廳地勢低窪孤懸苗境城外寸土皆苗樵汲維艱珠米桂薪兵民均難存立惟查鎮標茶洞汛地方沿邊臨河極爲扼要若修建石堡移駐該處聲勢聯絡兵民均有裨益曾經永綏協副將仙鶴林會同該廳並升任辰永沅靖道成甯據實通稟奉前任督臣倭什布批飭藩司會同辰沅道籌議查核擬俟親赴苗疆確勘情形會同撫臣酌辦並經提臣札商是以該廳未敢冒昧領項興工恐將來或有移動致以有用之錢糧置之無用之地等情該管道鄭人慶亦稟同前由臣以該廳建置已久戡定後既未經移改豈可遽議更張一面嚴行駁飭一面密切諮訪凡來自

永綏花園土人及熟悉苗地者遍加密詢僉以現在情形實爲不便若能移建茶洞民苗俱得安貼等語臣祖之望究以章程久定未宜輕動並嚴飭道廳毋許稍露風聲或啟匪苗覬覦之漸然反覆思維若果於苗疆大局實有裨益似不得因循目前致貽後累但究無真知灼見未敢遽行瀆陳臣書麟前於巡閱鎮遠官兵及此次調任路過貴州時接見臬司成甯亦已詢悉大概今臣書麟臣祖之望先後到辰就近備細體察情形與臣王柄悉心籌議實有今昔異情不得不因時措置爲日久相安之計伏查永綏爲六里苗地原係保靖土司管轄前皆以土制苗自雍正年間改土歸流永順創設府治永綏繼隸版圖因爲創建廳城設官蒞長始亦



海南苗匪中政考 卷二  
禁民苗雜處迨乾隆三十九年奏准互通婚媾意使漸通聲教化苗爲民維時甫免土司之殘暴共沐

皇化之寬仁苗民皆欣然有樂生之意而又防維周密自廳城抵松桃爲西路自高巖偉者達乾州爲東路自新寨長坪至鳳凰廳爲南路又自隆團花園至保靖爲北路中置大小營汛四十八處星羅碁布且有高巖倉貯米石以供餽餉又值乾隆四五兩年大加懲創之後兵力盛則苗心懾服民氣固則苗情漸馴今該廳一綫營汛透迤七十餘里惟花園一路可通其餘各路皆未清出卽將前設各路營汛概行裁撤廳城形如釜底孤懸苗境之內不能示威轉啟其玩兼以高巖河道梗塞糧倉貯糧廳協官兵赴花園支

領往返一百四十餘里一遇雨雪封山卽虞匱乏所過苗寨山路深險人有戒心又苗地歸苗城外卽屬苗地樵汲不便柴薪必須買自苗人雖草根每石亦需銀二三錢不等兵役人等所得糧餉工食不能養贍家口往往兵役缺出募補乏人且乾鳳兩廳舊有邊牆自亭子關至喜鵲營民苗易分界限而永綏一廳惟原奏所稱花園民村在六里沿邊地方其餘五七八九十里皆包絡苗寨之內廳城在九十里閒山多田少從前居民亦本寥落非苗人姻親不能存立更難免民苗雜處以今視昔揆之情形均多未便至該道廳協所稟之茶洞在花園西面六十里本屬漢土民村但有土城汛地臨河扼要北係保靖河之對岸西距四川洪安汛三里



海南防政考 卷二  
至秀山縣八十里南距貴州三义塘三里至松桃廳百二十里卽  
諺云一眼望三省者若於其地修建石堡密佈汛卡民壘相開隆  
團東犄花園北峙可與鎮筵綏靖二鎮乾州永綏二協保靖古丈  
坪二營相接一律俱環苗境在外四面防禦並駕馭苗官在內約  
束散苗不惟楚省藩籬周匝卽黔蜀兩省聲勢倍加聯絡全局咸  
資控制民人皆可沿邊居住且耕且守更得劃清界址似於營務  
兵民均屬有裨並查明永綏舊城低小多已坍塌柴草木料磚瓦  
不能應手應請毋庸修補臣等擬將舊城作爲汛地先在花園茶  
洞兩處搭蓋廳協行署令其往來駐劄漸次移撤不虞張皇卽將  
前估修城各費爲修建石堡等項之用尙不致於多費臣等通盤

奏

籌酌目擊情形不敢不據實陳明謹







聖訓理合附片奏明奉

硃批覽欽此

嘉慶七年正月准咨  
吏部咨開文選司案呈內閣鈔出據湖廣總督吳熊光等奏稱永  
綏廳協移駐花園茶洞俟籌議移駐安汛各事宜再行奏請  
訓示等因欽奉  
硃批俟奏到時降旨欽此又欽奉

部覆移駐永綏廳協安營設汛各事宜

嘉慶七年正月准咨

吏部咨開文選司案呈內閣鈔出據湖廣總督吳熊光等奏稱永  
綏廳協移駐花園茶洞俟籌議移駐安汛各事宜再行奏請

訓示等因欽奉

硃批俟奏到時降旨欽此又欽奉

上諭據祖之望奏請將永綏廳協移駐花園茶洞一摺並繪圖貼說進  
呈因令軍機大臣詢問祖之望據稱永綏一廳孤懸苗地不足以資  
控制應將永綏同知移駐花園永綏協移駐茶洞於沿邊一帶安設  
礮卡在外四面防維不但楚省苗民劃清界限即川黔沿邊聲勢亦  
倍加聯絡其永綏舊城久經坍塌難以修葺應即作為汛地交與苗



并駐劄管束各苗寨等語所奏自係實在情形至此次黔苗滋事由於楚苗勾結前據琅玕奏皆緣從前黔省並未設有苗防兵丁所致現在如何籌辦其永綏一協移駐茶洞是否於川黔沿邊皆足以資控制之處難以懸擬著馬慧裕會同琅玕悉心妥辦詳議具奏欽此  
又奉

上諭琅玕奏查明黔省邊境情形一摺據稱楚省遷移永綏廳與黔省邊防無益及詢之傅鼐查閱原案自應移駐爲是等語此事經祖之望具奏時卽降旨交馬慧裕查明辦理應俟馬慧裕奏到時再降諭旨欽此經<sub>臣</sub>馬慧裕責成鳳凰廳同知傅鼐隨同道員確查籌議詳辦節次奏蒙

聖鑒茲據辰永沅靖道鄭人慶督同傅鼐會銜護永綏協副將于天祿永綏廳同知王廷瑛署浦市通判姚興潔親詣查勘齊集花園與綏靖鎮<sub>臣</sub>魁保署保靖縣胡如沅保靖參將五十一等悉心會籌酌議移駐安汛事宜通詳核辦前來並據鳳凰廳同知傅鼐於查勘事竣順便來省<sub>臣</sub>馬慧裕復詳悉面詢據該員指陳形勢歷歷如繪<sub>臣</sub>吳熊光遠在北省素知現任湖北按察使成甯曾任辰永沅靖道於湖南苗疆最爲熟悉而永綏移駐一事先係該司在道任內籌議通稟當經就近詢悉大概<sub>臣</sub>王柄於永綏保靖沿邊一帶屢經親歷目擊情形今<sub>臣</sub>等復往返籌商採集羣議實已眾謀僉同伏查永綏廳建立苗疆深處從前廳城四面大小四十八營



湖南直隸州志 卷二  
汛以資控馭嗣於平苗善後案內奏明苗地歸苗將各路營汛全  
行裁撤僅存該廳一城並隆團一綫營汛孤懸子立四面皆苗不  
特無以示威且一切日用薪蔬無不仰給苗人往往居奇壟斷而  
官兵糧餉必須遠赴花園支領經由苗寨領運維艱兼之兵役難  
招工作難興種種窒礙實有難以存立之勢若欲復設原裁營汛  
而苗地既已歸苗勢又不能復行安設此因時制宜不得不變通  
移駐查永綏管轄六里俱係苗寨惟花園茶洞一帶係屬民村應  
歸民人居住因花園至茶洞汛少兵單其地多爲苗人佔據民苗  
界址未清不能復業歸耕其保靖縣之四都民村與永綏七里苗  
地緊接而該汛防轉在民村之後以致七里匪苗往往潛出滋擾

必須通盤籌畫將各處界限一一畫分相地安汛以資防衛今查  
綏靖鎮標原管之茶洞汛沿邊臨河極爲扼要卽修築石堡將永  
綏協移駐該處自茶洞西南之八排寨起東至老鴉塘止計程四  
十九里改爲永綏協汛地所有原設永綏城及西山梁北山梁滾  
牛坡葫蘆坪篁子坳吉多坪黃土坡小排吾董馬鴨保一城十汛  
原駐官兵一千二百三十八員名全行撤回內派撥一千三十四  
員名於八排寨茶洞老石山立樹小寨會門路沙老旺寨巖坳吉  
洞坳口峨碧老鴉塘十三處安設一營十二汛其餘官兵二百四  
員名撥赴保靖營安駐又自老鴉塘迤東之依棲起由花園東至  
躍馬卡止計程五十四里作爲綏靖汛地所有鎮標原設之牌樓



湖南直隸州志卷二  
剛剛寨隆團張坪馬沙子坳五汛官兵深處苗巢亦應全撤並將  
改歸永綏協之茶洞老經寨二汛原設鎮標官兵一併撤出於依  
棲三腳巖登高坡洞溪坪望城坡導禡獅子橋得勝坡躍馬卡九  
處添設九汛並原設花園一堡及涼水井河口蜡耳堡三汛共一  
堡十二汛安設本鎮官兵一千四百三十一員名又自獅子橋迤  
東至牙科接塗乍汛原屬保靖縣地方係永綏七里苗寨與該縣  
四都民村交界處所向無營汛應請添設汛防除獅子橋得勝坡  
躍馬卡歸於綏靖鎮安設三汛外擬於躍馬卡東南之保界禾坡  
梭西班牙洞鳩井五里坡水蔭場官莊牙科八處計程六十里分設  
八汛作爲保靖營新設汛地共分設官兵四百一十員名將改歸

綏靖鎮之獅子橋汛原駐官兵撤去並於該營後路各汛酌量抽  
裁共移駐官兵二百六員名其餘二百四員名卽於永綏協標內  
撥駐以上各官兵均於各鎮協營通融移駐毋庸另添糧餉惟永  
綏官兵改撥二百四員名歸入保靖營所有糧餉應隨案改歸保  
靖營關支其獅子橋得勝坡躍馬卡三處本係保靖地方今改爲  
綏靖鎮汛地所有一切民事仍歸保靖縣管理如此擇要移駐密  
布汛卡與鎮算乾州古丈坪各鎮協營相接均有沿邊防守一律  
包環苗境在外內民外苗劃清界址民人皆可沿邊耕守仍於各  
汛之中相度形勢仿照鳳凰乾州二廳一體添建礮卡並均田設  
壘互相守望藩籬旣固民氣日壯苗匪不敢窺伺從此邊境無虞



防兵可撤經費漸歸節省至黔省盤石營至松桃沿邊一帶毗連楚境永綏一城孤懸營汛無多本不能恃爲屏障現經雲貴督臣琅玕於黔邊一帶建礮置守防範已屬周密而茶洞一處西距四川洪安汛三里至秀山縣八十里南距貴州三叉塘三里至松桃廳一百二十里聲息相通得協將大員駐劄實於川黔楚三省全局咸資控制永綏協既經改移汛防裁撤該廳同知應卽移駐花園與綏靖鎮同城辦公以符體制教職經歷等官亦應隨同該廳一併移駐其原設花園巡檢應請改爲永綏廳知事與永綏協副將同駐茶洞商辦一切軍民苗人交涉事件所遺花園巡檢衙署卽可抵給經歷居住至原設隆團巡檢應隨汛裁撤查鳳凰廳西

南自落潮井起東北至木林坪計長二百三十餘里惟鳳凰營設有巡檢一員其東北九十餘里並無文員擬請將隆團巡檢改爲鳳凰廳知事移駐得勝營與鎮筵鎮右營遊擊同城以資辦公知事視巡檢職分較大呼應較靈亦於公事有益仍俱作爲苗疆要缺在外咨補其應得廉俸及應設人員均隨缺改移毋庸增減如蒙

允准卽飭趕修汛堡將各路官兵次第撤移改駐仍於移撤之時派撥苗防兵勇分段防護以昭慎重至永綏舊城卽照原奏交與苗弁駐劄仍隨時妥爲駕馭約束各散苗俾臻馴順除茶洞應建石堡兵房及各汛塘堡衙署官兵房屋監獄倉廩一切等工將原估修



海防前案 卷二  
茸永綏城垣並各處堡座兵房等項工料價值抵用衙署照例借支廉俸興建其永綏廳城舊有兵房年久朽壞且距茶洞及新設營汛計百餘里不等搬運舊料徒糜腳費另行一併委員撙節估計據實題咨辦理外所有臣等會籌移駐永綏廳協沿邊設汛緣由謹恭摺具奏嘉慶六年十一月二十九日奉

硃批軍機大臣會同該部速議具奏欽此遵於十二月初二日鈔出到部查例載設官分職原爲因地制宜起見今昔情形不同該督撫自當隨時酌改庶於地方有益等因今據該督等奏稱永綏一廳孤懸苗境無以示威且糧餉等項領運維艱種種窒礙必須籌畫移駐等因自爲因地制宜起見應如所請永綏廳同知准其移駐

花園地方教職經歷等官亦應准其隨同該廳一併移駐花園其花園巡檢准其改爲永綏廳知事駐劄茶洞地方卽以巡檢衙署抵給經歷居住隆團巡檢准其裁撤改爲鳳凰廳知事駐劄得勝營地方俱准其仍作爲苗疆要缺在外調補至奏稱永綏協地方俱係苗寨汛少兵單苗匪往往潛出滋擾綏靖鎮標原管之茶洞汛沿邊臨河極爲扼要擬卽修築石堡將永綏協副將移駐該處等語亦應如該督等所請綏靖鎮原管之茶洞汛准其修築石堡將永綏協副將移駐茶洞西南之八排寨起至老鴉塘止一城十汛原駐官兵一千二百三十八員名准其全行撤出內撥派一千三十四員名於八排等寨十三處安設一營十二汛其餘官兵二



百四員名准其撥赴保靖營安設老鴉塘躍馬卡等處作爲綏靖鎮汛地所有原設之牌樓剛寨等處官兵准其全行撤出於依樓三角巖等九處添設九汛並原設花園一堡及涼水井三汛共一堡十二汛安設本鎮官兵一千四百三十一員名並准於躍馬卡八處分設八汛作爲保靖營添設汛地共分駐官兵四百一十員名將改歸綏靖鎮之獅子橋汛原駐官兵撤出並於該營後路各汛酌量抽撤共移撥官兵二百六員名其餘二百四員名卽於永綏協標內撥駐以上各官兵均照該督等所開清單於各鎮協營內通融抽撥移駐毋庸另添糧餉如此擇要移駐與鎮守等協營均在沿邊防守仍令該督等於各汛之中相度形勢添建礮卡

互相守望有星羅碁布之勢且茶洞一處西則近接四川洪安汛南距貴州之松桃不過百二十里三省犄角相峙聲勢聯絡於川黔沿邊扼要更足以重撫馭而壯聲威其保靖營之獅子橋得勝坡躍馬卡三處內係保靖縣地方所有一切民事自仍歸保靖縣管理其永綏舊城准其交與苗弁駐劄仍令該督撫督率文武各官隨時妥爲防範再查本年六月十八日據雲貴總督琅玕奏黔省正大營等處沿邊一帶設立石礮一摺奉

**硃批**軍機大臣會同該部議奏欽此隨經臣等奏明俟馬慧裕議奏湖南移駐永綏廳協事宜到時再行核議在案今馬慧裕等既經奏到所有琅玕奏請黔省正大營等處設立石礮之處另行詳議具



奏至均田設壘等事宜令該督撫等分別題咨由戶部核辦應建石堡兵房及文武官員衙署監獄倉廩並一切未盡事宜該督等既稱另行分別題咨辦理應俟查辦到日再行核覆所有<sub>臣</sub>等核議緣由理合恭摺具

奏奉

旨依議欽此

奏湖南移駐永綏廳協及辦理均田苗民不願應再籌議情

形摺

嘉慶七年

貴州巡撫初彭齡

奏為陳明湖南移駐永綏官兵現在情形請

旨飭令巡撫高杞再行籌議事竊

臣

代辦黔撫據貴東道周緯面稟前

聞楚省永綏廳協定議內移會親至邊境密詢楚苗情形皆以官民一經內移一切食鹽衣布商販不至購買為難均不甚願欲行控阻隨約會鳳凰廳同知傅儻面議據云事在必行設有苗眾阻撓即當懾以兵威將來須從黔省正大營一帶繞道行走黔省亦宜預為防範且聞三廳辦理均田一事民情亦不樂從恐民苗構釁滋事等語<sub>臣</sub>於楚黔苗疆各情形未能深悉因藩司百齡曾任



湖南臬司當卽詳細面詢據稱湖南永綏一廳孤懸苗境不足以資控制前經黔楚督撫會議將該廳協移駐花園茶洞並於黔楚沿邊一帶築建礮卡設汛防範其永綏之舊城卽交苗弁駐劄管束苗眾均經奏明辦理自係因時度地變通籌議之道但思永綏苗眾寨落約計四百餘處自雍正年間建城設汛以來民苗錯處已久一旦改撤內移不但苗眾無以爲生不願官民移撤並恐該處久居之百姓等亦未盡願棄其田廬而去如果民苗樂從移駐固屬善策若竟如近日傳言苗眾抗不願移雖臨以兵威而在城之官民等必受悍苗之荼毒卽使目前畏懼內移此後數萬苗人竟似置之化外雖有苗弁在彼約束日久終難保其不肆出搶竊

若令豕突狼奔則黔楚兩省邊防礮卡處所必須時時堵剿亦非一勞永逸之策况移撤官兵經由黔境不特驚撼黔苗並恐楚苗遷恨於黔苗別生他慮似宜預爲籌計至於楚省辦理均田屯守之事將民戶田畝均出資養戍卒如果百姓急公出於情願事固可行但恐邊民多年世業強之均分未必盡屬踴躍更難保無紛紛控阻及與戍卒爭擾情事在該廳傳聞熟悉苗疆一切置卡屯勇實心經理誠爲可靠之員惟改移邊防舊制不可不深思遠慮計出萬全等語臣思永綏廳協內移於黔楚兩省邊疆均有關係必使民苗兩便庶得日久相安與其規一時之利弊輕議更張曷若籌久遠之章程戢安眾志臣前據周緯所稟卽飭令該道趕赴



邊界嚴密防範一面械詢湖南撫臣高杞確查辦理恐該省因此  
事業經奏辦在前不敢中止勉強從事致有他虞據實奏明請

旨飭

交高杞會率鎮道等體察近日苗民情形再行妥議如該處廳協  
必應移建勢須由黔境之松桃正大營一帶行走亦令將如何分  
起行走照料防護之處先期會商辦理倘事可緩行或酌量於該  
處分駐員弁藉聯聲勢免致全行動移似亦不必拘泥前奏以昭  
核實其均田一事是否輿情所願不致另起釁端並令再行妥籌  
據實覆奏臣因現在情形關係緊要督臣琅玕遠駐劍川未及會  
商謹由驛四百里奏

聞奉

硃批另有旨欽此



附奏永綏廳協理已移駐片

嘉慶七年

湖南巡撫高 杞

再前任撫臣祖之望馬慧裕先後奏蒙

恩准移駐苗疆永綏廳協一事此時秋收已畢天氣晴和先經札飭辰沅道暨總理邊務鳳凰同知傅爾並移行鎮協察看情形若可移動即宜及早趕辦旋據該道廳等稟覆同知傅爾已前赴永綏會鎮協督同文武員弁調派兵勇苗弁扼要防範慎重辦理現將該廳所有兵民及軍裝火藥等項次第移出逐程轉運妥為護送苗弁等無不踴躍出力遠近苗情俱甚甯帖等語除俟全數移出另將辦理情形詳悉具奏外合將現在具報緣由先行附摺奏

聞嘉慶七年十一月初四日奉



上諭前因初彭齡奏稱移駐永綏一事楚苗不願官兵移撤欲行控阻等情是以特降諭旨令黔楚兩省督撫詳悉會議具奏想高杞等向未接奉此旨茲據高杞奏現將該廳所有兵民及軍裝火藥等項次第移出逐程轉遞苗弁等無不踴躍出力遠近苗情均屬樂從此時該廳既已內移若再有更張轉屬不成事體該撫惟當查照奏定章程妥爲經理以期苗民永遠相安至移撤官兵經由黔境於黔苗有無不便之處仍著令黔撫詳悉具奏將此諭令知之欽此

附奏湖南永綏廳協業已移駐片

嘉慶七年

雲貴總督

珩

奏再

奴才

昨准署貴州撫

臣

初彭齡咨會欽奉

上諭永綏一廳准其遷移原係因時度地籌議變通俾於苗民兩便今楚苗既欲行控阻而百姓又不樂從其中必有未盡周妥之處自當會商熟籌以爲久遠之計高杞甫任湖南巡撫從前並未入議無所用其迴護著會同黔楚兩省督撫體察情形再行悉心籌議具奏將此傳諭高杞初彭齡並諭吳熙光琅玕知之等因欽此仰見

皇上慎重苗疆務期妥善之至意此事

奴才

前於威遠途次准署撫

臣

初彭齡鈔摺咨會當查照黔省銅仁府所屬之盤石營桿子坳芭茅坪一帶均逼近湖南永綏廳境界邊圍要地誠恐永綏苗民不



湖南首陽中正考 卷二  
願官兵內移藉滋事端防範尤宜嚴密隨飭該管文武督率沿邊各汛弁兵不動聲色慎密巡邏毋得稍涉張皇駭人觀聽茲據該管道府廳縣及鎮協等先後稟報鳳凰廳傅爾會同楚省鎮協帶領兵勇前赴永綏犒賞該處苗弁人等自九月十二日起將軍火器械逐日搬移於十九日全數運竣其永綏城內居民亦均移出內有貧老無力者官爲資助黔楚兩省邊界地方均屬甯帖等情除批示該道等照舊實力嚴防毋稍疎懈外理合附片奏聞謹奏嘉慶七年十月二十四日具奏十一月二十七日奉硃批覽奏不甚明白汝之所轄苗人是否樂從再行迴奏欽此又奉上諭琅玕片奏移設湖南永綏廳一節所奏不甚明白此事前據初

彭齡奏楚苗不願遷移欲行控阻而移撤官兵經由黔境於黔苗亦多擾累是以諭令黔楚督撫會同籌議旋據高杞奏到該廳業已內移楚苗均屬樂從今又據琅玕奏該處苗弁人等自九月十二日起將軍火器械逐日搬移於十九日全數運竣等語該處兵民既於九月內全行移撤並無安土重遷不願移撤情事則初彭齡前奏所稱擾累黔苗之語究爲何意且初彭齡係由四百里馳奏此事竟似該廳一經移撤苗民必滋事端摺內稱詢之藩司百齡該司何所見而云然今高杞與琅玕先後奏到情形又稱苗無不踴躍出力究竟此事於黔苗有無不便聲敘殊未詳悉著琅玕查明一併據實具奏再黔省苗地逼近永綏廳地界祇須飭令沿邊各汛弁兵照常慎密



巡邏不必添設多兵轉致該處苗民心生疑駭將此由四百里諭令知之欽此

湖南苗匪正考 卷二 五

會奏永綏廳協全行移駐並酌撤畱防官兵土塘苗兵摺

七年

湖南巡撫高杞 湖廣總督吳熊光 湖廣提督王栢

奏為苗疆永綏廳協全行移駐並酌撤畱防官兵土塘苗兵恭摺奏聞事竊照苗疆永綏廳協前經臣吳熊光王栢會同前湖南撫臣馬

慧裕公同籌議奏蒙

欽准移駐於花園茶洞兩處臣高杞抵任後復又查詢情形實屬應行

辦理當於將屆秋收時飭經辰沅道鄭人慶鳳凰廳同知傅爾會同鎮協廳營等將該廳兵民軍火次第移出臣高杞已將據報辦理緣由於前月初八附摺奏

聞查得該道廳等先後稟懇鳳凰同知傅爾於九月初旬自鎮算起

湖南苗匪正考

卷二

建置

三



程赴永綏與綏靖鎮魁保暨廳協各員酌議將永綏城現存礮位軍裝火藥等項共十二萬九千餘觔先後運送完竣再將兵民以次移撤因自永綏至茶洞計程九十餘里難以一日行走須將各項先行運至適中之隆團地方接收再行轉移茶洞當卽會同鎮協廳營並督率文武員弁察看道路並傳集各里苗弁目諭以永綏地方樵採不便而花園茶洞一路係屬邊要因今昔情形不同大皇帝欲使民苗各得其所是以奉

旨移建此後苗地一切事宜責成好爲辦理其舊永綏城卽作爲汛地交與苗弁駐劄管束散苗並諭以民苗各有界限除設立集場交易外苗人不得出外滋事漢民亦不得入寨構釁當卽犒賞銀牌

牛酒眾苗弁目無不悅服遵從傳諭先於鎮筸撥有得力練勇一千名陸續到永並分派眾苗弁各帶土塘苗兵共二千餘名分撥劄卡仍派文武員弁分投督率管領又復派撥文武大小各員帶領官兵練勇按定段落或接替護送或梭織巡邏均屬勤慎出力甚形嚴密當自永綏以抵隆團由隆團而至茶洞均由本省原設塘汛之路行走於九月下旬業將永綏隆團軍火兵民陸續全行移出官兵等俱照原奏章程分駐於新設各汛堡其未經竣工之處卽於各該汛地先行紮卡暫劄俟修築完工次第進駐其移出之居民兵眷俱於花園茶洞兩處城堡關廂內安頓棲止並無失所移撤時一路苗情亦俱安貼各等語臣等復又隨時諄飭該道



滇南防古正考 卷二  
廳等查察防範於黔楚交界各處尤須留心撫馭以期一律安牧  
並令將各處未完汛堡趕緊修築完固俾兵民等早得安居樂業  
復查苗疆畱防兵勇上年九月臣吳熊光臣王柄會同撫臣馬慧  
裕於會籌邊備裁撤添防兵勇案內奏明鳳乾二廳原防兵勇俟  
增築礮卡均田練勇分授定局分別撤伍歸屯永綏保靖二廳縣  
原防兵勇俟移駐事竣再行酌量裁撤土塘苗兵二萬名俟邊防  
完固永綏措置妥協後陸續減撤欽奉

諭旨以未撤兵勇尚多如屯田不敷分給仍須暫行畱防總應察看苗  
情實在安帖再將各處兵勇陸續裁撤毋庸亟亟等因欽遵在案今  
永綏廳協業已移駐節經臣等各行鎮協道廳等察看情形應否

裁撤現據覆稱鳳凰廳畱防官兵一千八百八十一員名乾州八  
百四十五員名永綏八百五十五員名保靖二百八十二員名共  
三千八百六十三員名截至嘉慶六年底止除陸續病遣回營外  
存有官兵三千七百二十六員名苗疆經理甫定未便遽行全撤  
今於本年十月已撤回一千七百三十二員名擬俟十二月底全  
數歸伍分別住支鹽菜至畱防鄉勇鳳凰廳二千二百二十名乾  
州裁存八百名永綏四百名保靖二百名共三千六百二十名除  
陸續病遣外截至嘉慶六年底止存有鄉勇三千五百四十七名  
本應一體酌裁緣鳳凰廳酌定守邊屯勇六千名除將均出之田  
分授四千名外尚有二千名應授田一萬畝奏明於貼近鳳屬之



瀘溪麻陽二縣各民戶內酌量均出撥補現止均出五千畝尙缺田五千畝乾州酌定屯勇六百名需田三千畝現尙缺田一千五百畝俱須均丈足數方可歸屯耕守所有鳳乾二廳共畱鄉勇三千二十名請俟屯務辦竣再行裁撤其永綏保靖甫經移營設汛築建礮座正需鄉勇駐守應請從緩議撤又三廳古丈坪保靖安設土塘苗兵二萬名多係無業窮苗鳳凰廳所屬寨落較乾州永綏保靖爲多而花黑各苗尤爲兇悍是以鳳屬所設苗兵爲多畱之實覺糜費去之又恐爲匪歷年籌畫不能裁撤嗣經該廳傳諭於每月放給土塘工食諭以

國家經費有常不能久而不撤俱責成各寨誠實弁目教以開山種

地撙節工食所餘買牛置具現在鳳乾二廳屬稍能謀生者約有十之三四現經會同廳協曉諭眾苗截至本年十二月底止鳳凰廳裁退四千名乾州裁退一千名其永綏保靖古丈坪原設土塘因現在均值修邊吃緊之時未便議撤應請與鳳乾裁存之數仍照原奏俟邊防一切措置妥協後陸續裁撤等確查均係實在情形所有永綏廳協全行移駐並酌撤畱防官兵各緣由謹合詞恭摺奏

聞



奏覆永綏廳協應行移駐並均田情形摺  
 嘉慶七年  
 湖南巡撫高杞  
 奏為遵  
 旨覆奏事嘉慶七年十月十二日承准軍機大臣字寄九月三十日欽  
 奉  
 上諭初彭齡奏湖南移駐永綏官兵現在情形一摺前因湖南永綏一  
 廳孤懸苗境不足以資控制經黔楚督撫會議將該廳協移駐花園  
 茶洞業經議覆准行茲據初彭齡奏稱該處自建城設汛以來民苗  
 錯處已久一旦官兵內移一切食鹽衣布商販不至購買為難苗人  
 既不願官兵移撤欲行控阻並恐該處久居之百姓亦未必盡願舍

奏覆永綏廳協應行移駐並均田情形摺

嘉慶七年

湖南巡撫高杞

奏為遵

旨覆奏事嘉慶七年十月十二日承准軍機大臣字寄九月三十日欽奉

上諭初彭齡奏湖南移駐永綏官兵現在情形一摺前因湖南永綏一  
 廳孤懸苗境不足以資控制經黔楚督撫會議將該廳協移駐花園  
 茶洞業經議覆准行茲據初彭齡奏稱該處自建城設汛以來民苗  
 錯處已久一旦官兵內移一切食鹽衣布商販不至購買為難苗人  
 既不願官兵移撤欲行控阻並恐該處久居之百姓亦未必盡願舍



其田廬而去等語永綏一廳准其內移原係因時度地籌議變通期於苗民兩便今楚苗既欲行控阻而百姓又不樂從其中必有未盡周妥之處自須會商熟籌以爲久遠之計初彭齡甫經到黔於苗地情形自未深悉卽百齡亦到任未久其辦理苗疆事務自不如傅鼎之熟諳但移駐一事或竟係伊一人偏見亦未可定高杞甫任湖南巡撫從前並未入議無所用其迴護著會同黔楚兩省督撫體察情形再行悉心籌議不可因奏准在前稍涉迴護亦不必因有此旨意存遷就總期於官民妥便而黔楚苗眾亦均願從方屬可行並著繪圖貼說詳悉具奏其均田一事是否與情所願亦著一併妥議總之撫綏外夷之道動不如靜若無必不可已之情節總宜率由舊章拘

守之人總無大謬好更張者終有差訛也將此傳諭高杞初彭齡並諭吳熊光琅玕知之欽此跪讀之下仰見

皇上廑念邊圉體卹苗民籌策萬全之至意曷勝欽感臣仰蒙

恩簡抵任湖南卽思苗疆移駐一事最關緊要查永綏廳城毗連黔境自創設以來已歷七十餘年且戡定未久復議改移雖經楚黔督撫奏奉

准行在先而於如何不便沿舊應行改置之處必須詳加考究若稍有窒礙誠如

聖諭動不如靜若無必不可已之情節總宜率由舊章洵爲撫綏外夷至道無論此事出自前督撫臣所議卽使曾經與議亦斷不敢始



湖南苗防司正表 卷二  
終偏執抵任後凡遇官弁等來自苗疆者無不詳爲詢訪適辰沅道鄭人慶來省亦卽細加詰詢僉稱永綏廳居楚省苗境之西北南通鳳凰東接乾州形勢犄角向俱安營設汛有路可通該廳四面原設大小四十八營汛以資捍衛嗣於平苗善後案內奏明苗地歸苗全撤各路營汛僅存該廳迤北由隆團以至花園今改爲綏靖之一綫道路雖中間設有營汛然透迤七十餘里俱在苗寨之中山徑險仄解運兵糧軍火以及行旅往來俱多艱阻該處旣不能設堡屯勇而防兵又不能久而不撤倘苗巢中小有不靖卽可立時梗塞且該廳城外寸土皆苗並無民田居民旣不能租種苗地而一應樵採所需皆須購自苗寨數倍增昂受其挾制難於

度日實有枵隍難安之勢惟原奏將永綏協移駐於茶洞地方在花園西南六十里與四川洪安汛貴州三叉塘汛均屬密接且係漢土民村若築堡移駐此處於兵民均屬妥便而於守禦亦屬得宜等語核與前此督撫臣原奏均屬相符現在提臣王柄巡閱來省於該處情形俱所熟悉臣復與細爲講論所言亦復相同伏思馭苗之道撫之固貴有方而制之尤須得要從前之設立永綏原以疏通道路彈壓苗巢迨後苗地歸苗全撤營汛而使孑然一城孤懸於四面皆苗之地居者旣耕無寸土行者復又有戒心不惟無以制苗且反爲苗制今將永綏廳協分駐於茶洞花園兩處與保靖古丈坪乾州鎮筵各鎮協環峙包羅更於扼要之處加設汛



卡週迴密佈以絕其出沒窺伺之路仍復沿邊安設集場定期貿易使其靜不失所動而有制揆之理勢自較妥協是移駐一事於楚省實有必不可已之勢第念永綏界接黔邊互爲聲援惟恐一經移動若於黔境有礙又不可顧此失彼亦曾詳爲札詢據傅鼐稟稱於本年五月初間前赴黔邊與貴東道周緯及松桃廳等面晤將楚省定見移撤之處詳細告知據稱正大營一帶經雲貴督臣琅玕奏請修建石碕自鎮筸接壤之夥哨營至永綏交界之芭茅坪止修碕一百座現在戡定興修已募新兵八百名分撥防守此次九月初自鎮筸起身赴永又取道黔省松桃廳會晤該協劉廷奇同知鄭錕將現在赴永移撤之處逐一告知據稱該廳應修

邊備碕卡工程已有七分與楚疆相接之各處汛卡現俱畱心防範等語是黔境亦已預爲設備且永綏既孤立苗巢難於自固即使不撤萬一邊隅有警在楚省徒多一牽制之處而黔境仍不能恃爲屏障此永綏廳定見移撤之情形也前於九月中曾接貴州撫臣初彭齡來札以移出永綏兵民軍火等聞欲取黔境之芭茅坪盤石營等處行走且聞苗眾不欲兵民內移恐生事端囑令妥商辦理等因惟時雖未據該道廳等稟報全行移撤然就節次所稟籌辦情形並未有取道黔境之說且查閱地圖亦覺由黔取道程途較遠自不出此紆迴之計當經一面將據報情形札覆旋據該道廳等稟報已將永綏廳協全行移駐據稱民苗尚俱安貼惟



黔境既聞有苗人布散之言亦必須切實查明以防滋生事端卽經飛札該道廳等令將詳細情形查明稟覆旋又接初彭齡來咨據貴東道周緯等稟報探聞自永綏移撤後所有城內外汛堡兵民房屋盡被痞苗拆毀並爭佔地土互相仇殺時聞鎗礮之聲苗弁等不能約束反欲移居黔地且於黔楚接壤之篁子坳地方時有楚苗執持標鎗往來窺伺該道等傳至堡內面加詢問雖據稱自行防禦冤家並不敢滋事當以好言撫導諭以嗣後不許攜帶器械到此亦俱應諾而去但時屆隆冬苗人叵測防維均須嚴密等因移咨前來臣細思苗人頑悍性成卽其平日因錙銖之利睚眦之怨自相持械仇殺久成習俗今見該處城汛既撤歸苗管所

存房屋基址已屬空虛無業痞苗卽思折毀爭佔互逞兇頑其蠻觸相爭亦祇在巢窟之中惟既據黔省咨會有痞苗自相爭鬪之事復又星飛移行鎮道廳等密查苗寨中如何爭佔仇殺並有無窺伺邊境情形無論在楚在黔總須協辦熟籌並駕馭苗弁一律辦歸安安一俟楚黔兩境將沿邊堡卡趕緊修繕完密周圍控制俾匪苗等無從覬覦自不致更生他慮當此移駐重舉縱或屬員等祇顧安全本境不及兼顧鄰圻而仰蒙

高厚

職任封疆必當不分畛域通盤籌畫計出萬全卽使楚境果臻甯謐而黔境稍有未安卽非以安邊境之道斷不敢專顧本省而置全局於不問至均田一節抵任後據該道府等稟報已辦有六七



成輿情均屬踴躍緣該處民人深知屯丁之設專以保衛田廬地方官吏斷不能從中牟利且附近苗疆田畝前俱爲苗所佔勘定後悉經傅爾勤丈清查始得各歸民業今雖均出贖丁仍以保其家室無不樂從到任以來曾有麻陽乾州兩處生監呈狀二紙細核情節該生等惟以離苗較遠爲詞查乾州麻陽二廳縣貼近苗疆統一境之中不能無分遠近守邊屯丁共有六千六百名需田三萬餘畝在離苗較近之民衛身念切固已無不樂從然祇就近者均出田畝豈足以敷分授萬一苗眾稍有滋擾在近者固受其累卽稍遠者亦豈能晏然無驚是以稍遠之處一經剴切勸導亦俱情願現據稟報已均有六七成今該生等不過因囿於一隅之

見偶有控阻當經臣詳爲開導批駁去後現在並無續控之人體訪各處尙俱甯貼總之移駐均田二事何等重舉苟非事勢之所必應輿情之所允愜傅爾勤一人斷不能執其偏見而使官吏軍民等齊心協力以底垂成現將欽奉

諭旨飛飭該道廳等再行悉心籌議繪圖貼說務期於全局大勢悉臻周妥以冀久遠敕甯除俟稟覆到日與督臣吳熊光並黔省撫臣熟籌萬妥會議具奏外謹將到任體訪情形先行奏

聞伏乞

皇上睿鑒謹

奏嘉慶七年十二月十六日奉



上諭前因初彭齡奏湖南永綏廳協移駐花園茶洞一節苗人欲行控阻百姓亦不樂從恐其中有未盡周妥之處特降旨諭令高杞會同吳熊光並黔省督撫體察情形悉心籌議具奏旋據高杞奏已全行移撤復降旨諭令不必更張茲該撫接奉初次諭旨覆奏據稱從前設立永綏原以疏通道路彈壓苗巢迨後苗地歸苗全撤營汛而使一城孤懸於四面皆苗之地不惟無以制苗且反爲苗制今將該廳協分駐於茶洞花園兩處與各鎮協營環峙包羅更於扼要之處加設汛卡使其靜不失所動而有制揆之理勢自較妥協等語永綏廳協孤懸苗巢旣不能設堡屯勇而居民亦杌隉難安是移駐一事於楚省實有必不可已之勢况現已全行移撤自毋庸另議至所稱痞

苗等折毀房屋爭佔逞兇一節該廳業已移駐所存空房苗人等彼此佔奪不過蠻觸相爭原毋庸官爲致詰惟當於扼要處所加設汛卡官兵等聲勢聯絡設遇苗人出沒窺伺卽當立時懲辦使知畏懼地方自可永臻甯謐著該撫等將如何加設卡座嚴密巡防之處仍會同黔省督撫妥議章程具奏將此傳諭高杞並諭吳熊光知之欽此







湖南苗匪正考 卷二  
明一併據實具奏再黔省苗地逼近永綏廳地界祇須飭令沿邊各汛弁兵照常慎密巡邏不必添設多兵轉致該處苗民心生疑駭等因欽此仰見我

皇上慎重苗疆睿慮周詳之至意伏查湖南永綏廳因孤懸苗境難資防守經楚省督撫吳熊光奏將該廳兵民撤移所屬之花園地方奉准部覆在案其貴州松桃廳銅仁縣與永綏係屬接壤今楚省既因難於控制奏明撤移係因該處情形起見而楚省遷移兵民本於黔省無涉前據黔省沿邊文武探聞該處苗弁曾有兵民內移則商賈貨物不通於苗人諸多未便聲言欲行控阻且聞楚省於移撤之時並有假道黔境之語誠恐楚苗不願永綏兵民遷移

如由黔省境內行走恐致擾累黔界並結怨楚苗以致別生枝節是以具稟署撫臣初彭齡據情奏明另請飭議亦為慎重苗疆之意嗣奴才接據該鎮道府廳等來稟據稱楚省業於九月十二至十九等日已將永綏城內兵民及軍火器械均從永綏本境移駐該廳所屬之花園地方楚苗亦無阻攔之事兩省邊界均屬甯貼等情是以奴才夾片具奏仰慰

聖懷所有永綏兵民係撤移楚省境內並非移於黔境亦未由黔行走於黔苗實無擾累未便之處奴才前摺內未將以上情節詳細聲敘致煩

垂訓實深惶悚至黔省邊界逼近永綏前因該廳有移撤之信誠恐楚



苗越境滋事是以奏明添設礮卡營汛足敷防禦誠如  
聖諭母須添設多兵反令苗人疑懼奴才惟有嚴飭道將等隨時稽查  
督率鎮靜守禦不使楚苗越境滋事以期各守各地永靖邊圉所  
有遵

旨查明緣由謹據實恭摺覆奏伏乞

皇上睿鑒謹

奏

臣等查苗匪滋事以來臣等督率各將領嚴密巡防片  
具具稟奏在案臣等查苗匪滋事以來臣等督率各將領  
嚴密巡防片具具稟奏在案臣等督率各將領嚴密巡防片  
具具稟奏在案臣等督率各將領嚴密巡防片具具稟奏在案

附奏移駐永綏廳協加設營汛嚴密巡防片

嘉慶八年

湖南 巡撫 高 杞

再奴才於上年十二月初二日及本年正月十五日先後承准軍  
機大臣字寄欽奉

諭旨以奴才

具奏永綏廳移駐情形飭令查照奏定章程妥為經理其

移撤官兵經由黔境於黔苗有無不便之處仍著會同黔撫詳悉具  
奏並以移駐一事於楚省實有必不可已之勢現已全行移駐毋庸  
另議惟當於隘要處所加設汛卡設遇苗人出沒窺伺即當立時懲  
辦使知畏懼仍飭將如何加設卡座嚴密巡防之處會同黔省督撫  
妥議章程具奏等因仰見



聖明睿照指示周詳何勝欽服伏查楚省永綏廳協於上年九月內移駐於茶洞花園兩處皆取道本省原設塘汛之路並未經由黔境業經奴才奏蒙

聖鑒在案該廳協早經內移兵民樂從誠如

聖諭若再有更張轉屬不成事體奴才伏思永綏一城向立苗巢兵民日用所需無不受制於苗一旦內移痞苗無所居奇自不能滿其所願而移撤後所存空房乘機圖佔因而散布謠言自為蠻觸之鬪恐所難免且竊苗每屆年底潛出掠食歲咸有之不可不嚴為防範奴才先已飭令傅爾前赴黔省沿邊處所密派練勇擇要分布銷弭彈壓設有匪苗等出沒窺伺不難立時懲辦現在楚省邊

卡漸臻完固黔邊堡卡是否盡臻周密堅固奴才復又飭令傅爾就近會晤黔省道廳等妥商熟計趕緊查辦務使一律完整不畱罅隙一面詳細札致貴州撫臣福慶確切查明嚴行督飭辦理一俟各處具覆到日奴才即當遵

旨與黔楚督撫臣會同酌定章程妥議具奏所有欽奉

諭旨及現在辦理緣由合先繕片奏

聞謹

奏







湖南首防正考 卷二  
同知一員訓導一員經歷一員隨缺改移駐劄其花園巡檢一員  
改爲知事移駐茶洞隆團巡檢一員裁撤改爲鳳凰廳知事駐劄  
得勝營各官廉俸役食等項銀兩原請均隨缺改移並無增減惟  
花園隆團二缺巡檢今改爲知事食俸稍異但巡檢係從九品食  
俸銀三十一兩五錢二分今既改爲知事查向例內載知事係正  
九品應食俸銀三十三兩一錢一分四釐應請查照定例更正支  
俸除將原設該二處巡檢各食俸銀三十一兩五錢二分抵給知  
事俸銀外尙應各補足知事俸銀一兩五錢九分四釐亦應請按  
年在於司庫地丁項下動支照例報銷庶支食俸銀與品級定制  
相符一遇缺罰按品扣解得歸畫一等語查先據該督吳熊光等

奏請將永綏廳同知訓導經歷等官移駐花園原設花園巡檢改  
爲永綏廳知事移駐茶洞原設隆團巡檢改爲鳳凰廳知事移駐  
得勝營應得廉俸均隨缺改移毋庸增減等因經軍機大臣會同  
吏部等部議覆奏奉

旨依議欽遵在案又定例中外大小文員按品級食俸正九品歲支俸  
銀三十三兩一錢一分四釐從九品歲支俸銀三十一兩五錢二  
分等語今據該督吳熊光等以巡檢係從九品原食俸銀三十一  
兩五錢二分今改爲知事係正九品應得俸銀三十三兩一錢一  
分四釐題請查照定例更正戶部查與定例相符所有改設永綏  
鳳凰二廳知事二員每員每歲應食俸銀三十三兩一錢一分四



釐應准其將原設花園隆團巡檢二員每員每歲原食俸銀三十  
一兩五錢二分動支抵給外仍於藩庫地丁項下各補足銀一兩  
五錢九分四釐按年造冊題報核銷遇有缺罰照例按品扣解一  
據疏稱永綏協並廳標撥歸保靖綏靖二員官兵所需俸薪餉乾  
養廉等銀應請在於原估銀內劃分支給造報也查永綏協駐茶  
洞抽出官兵二百四員名撥歸保靖營管轄又將永綏廳標弁兵  
一百二員名撥赴綏靖鎮管轄俱係額內更調並無增添應需俸  
薪餉乾養廉等銀應請即於永綏協原估銀內於裁撥歸併之日  
劃分支給各歸各營請領造報以歸核實等語查綠營官兵俸餉  
等項向係預行估撥如遇裁撥歸併自應於原估銀內劃分支給

造報以歸核實今據該督吳熊光等疏稱永綏協移駐茶洞抽出  
官兵二百四員名撥歸保靖營管轄並將永綏廳標弁兵一百二  
員名撥赴綏靖鎮管轄俱係額內更調並無增添應需俸薪餉乾  
養廉等銀即於永綏協原估銀內以裁撥歸併之日劃分支給各  
歸各營請領造報等語應如所題辦理仍令該督等按年分案造  
冊題報核銷仍將永綏廳標弁兵一百二員名撥赴綏靖鎮管轄  
之處於何案內奏明先行查明報部查核一據疏稱改撥兵丁所  
需公費銀兩應照各營舊制核定數目以便遵循支給造報也查  
永綏廳標兵一百名每年應需公費銀四十九兩八分原係彙同  
永綏協請領另冊造報今全數撥歸綏靖鎮管轄並無增減所有



該廳標公費應請於嘉慶八年爲始彙同綏靖鎮請領另冊造銷其永綏協撥歸保靖營兵丁二百名保靖營應添公費銀兩應請照依保靖營舊制科算數目於嘉慶七年冬季爲始支給永綏協於嘉慶七年秋季底止截支各歸各營造冊報銷以歸畫一現在另造清冊同送應請查核等語查湖南各標協營應需公費銀兩向係每兵百名酌留戰守三分按營繁簡分別全留戰糧並戰二守一以及戰守各半之數科算仍刪除名色計共銀數作爲公費扣除朋銀遇閏不增小建不扣本色米石以每石六錢核計在於地丁項下按年估撥歷經辦理在案今據該督吳熊光等疏稱永綏廳標兵一百名應需公費原係彙同永綏協請領另冊報銷今

全數撥歸綏靖鎮管轄應請於嘉慶八年爲始彙同綏靖鎮請領另冊造銷永綏協撥歸保靖營兵丁二百名應添公費銀兩並請照依舊制科算數目於嘉慶七年冬季爲始支給其永綏協於嘉慶七年秋季底止截支各歸各營造冊報銷現在另造清冊同送應請查核等語應如所題辦理戶部按冊逐一核算數目亦屬相符所有湖南通省各標鎮協營應需公費共銀一萬四千六百五十二兩八錢四分應請在於地丁項下按年動撥仍令該督等將用過銀數按年分晰核實造冊題報核銷一據疏稱改撥弁兵操馬應畫分數目報倒也查楚南各營操馬每年按倒三分報倒今永綏協並廳標原額操馬五十八匹除撥歸保靖營操馬九匹並



湖廣總督陳若霖等奏稱湖南永順府屬之永順縣係苗疆要缺於雍正七年改土歸流創設縣治該縣管轄之西英衝正羅依功全四保地方幅員遼闊民苗雜處距縣城一百七十餘里向歸永順府古丈坪同知稽查彈壓其命盜詞訟仍歸永順縣審理惟是該四保地方距縣寫遠民間命盜等案此控彼訴及往來差喚跋涉維艱兼有刁健之徒恃遠抗避延

旨依議欽此

部覆古丈坪督捕同知改為撫民同知並移下崗巡檢為古

丈坪巡檢

道光二年十二月准咨

吏部等部咨開文選司案呈內閣鈔出調任湖廣總督陳若霖等奏前事等因道光二年八月二十八日奉

硃批

吏部議奏欽此會議得調任湖廣總督陳若霖等奏稱湖南永順府屬之永順縣係苗疆要缺於雍正七年改土歸流創設縣治該縣管轄之西英衝正羅依功全四保地方幅員遼闊民苗雜處距縣城一百七十餘里向歸永順府古丈坪同知稽查彈壓其命盜詞訟仍歸永順縣審理惟是該四保地方距縣寫遠民間命盜等案此控彼訴及往來差喚跋涉維艱兼有刁健之徒恃遠抗避延



案莫結從前民醇事簡治理尙易近來訟獄較繁實有鞭長莫及之勢本年春間臣陳若霖閱兵前至該處體察情形實多不便查承順府督捕同知駐劄古丈坪地方酌改就近分理方臻妥善而便民苗當飭辰永沅靖道趙文在查議詳辦去後茲據該道趙文在查議請將承順府古丈坪同知改爲撫民同知該西英等四保地方一切命盜詞訟案件概歸該同知管理審辦應行添建監獄專員經管查該府各屬佐雜員缺均關緊要未便裁撥惟桑植縣下崗巡檢事務簡少堪以裁汰移駐該處專管驛捕兼理獄務等情臣等伏查承順縣所轄之西英等四保地方距縣寫遠民苗各有命盜等事跋涉守候及差傳往來殊多未便該府古丈坪同知

本有稽查彈壓該四保之責而桑植縣下崗巡檢政務簡少以之分別改移實屬因地制宜相應奏懇

聖恩

俯賜准將承順府古丈坪督捕同知改爲撫民同知就近分管承順縣西英衝正羅依功全四保地方民苗詞訟案件並將桑植下崗巡檢裁汰移作古丈坪廳巡檢專管緝捕兼理獄務與同知均定爲苗疆要缺由外揀選調補該同知既管理命盜案件如有承審遲延及失察疏防承緝命盜等案卽以該同知職名開參軍流以上重犯仍解承順府勘轉其錢糧考試等事照舊歸於承順縣管理所有該同知原管承順縣十八保捕務除西英等四保外其餘各保及保靖縣捕務俱改歸承順府通判督理以專責成如此



酌加改移於民苗實有便益如蒙

俞允其餘一切未盡事宜容再酌核妥議咨部辦理等因前來查定例各省大小各缺均不得妄請更改如有實因繁簡不符必須隨時酌改之處令各督撫分別缺之大小如丞倅牧令之缺應請改繁者即於丞倅牧令缺內改簡互換其佐雜之缺即於佐雜內酌改不准將州縣以上之缺與佐雜互異等語今據該督等奏稱永順府屬之永順縣所轄西英等四保地方距縣遠民苗各有命盜等事跋涉守候及差傳往來殊多未便該府古丈坪同知本有稽查彈壓該四保之責而桑植縣下崗巡檢政務簡少以之分別改移實屬因地制宜相應奏懇

聖恩俯賜准將永順府古丈坪督捕同知改為撫民同知就近分管永

順縣西英衝正羅依功全四保地方民苗詞訟案件並將桑植縣下崗巡檢裁汰移作古丈坪廳巡檢專管緝捕兼理獄務與該同知均定為苗疆要缺由外揀選調補該同知既管理命盜案件如有承審遲延及失察疏防承緝命盜等案即以該同知職名開參軍流以上重犯仍解永順府勘轉其錢糧考試等事照舊歸於永順縣管理所有該同知原管永順縣十八保捕務除西英等四保外其餘各保及保靖縣捕務請改歸永順府通判督理以專責成等語該督等係為今昔情形不同隨時酌改與例相符應如所請永順府古丈坪督捕同知准其改為撫民同知桑植縣上下二崗



巡檢准其裁汰移作古丈坪廳巡檢均定爲苗疆要缺在外揀選  
調補查桑植上下二崗巡檢本係部選之缺今既改爲要缺應令  
該督撫等於通省要缺佐雜內擇其事務稍簡者酌改一缺歸部  
銓選以符定制西英衝正羅依功全四保地方民苗詞訟案件應  
令該同知就近管理審辦桑植縣下崗巡檢裁汰准其移作古丈  
坪廳巡檢應行添建監獄專管緝捕兼理獄務如有應行議處者  
卽將該巡檢職名開參該巡檢既有兼理獄務之責自應添建監  
獄以昭慎重該同知既管理命盜案件如有承審遲延及失察疏  
防承緝命盜等案卽將該同知職名開參軍流以上重犯仍解永  
順府勘轉其錢糧照舊歸於永順縣管理之處應如所奏辦理考

試等事禮部查考試一事應如該督所奏仍照舊歸於永順縣管  
理該同知原管永順縣十八保捕務除西英等四保外其餘各保  
及保靖縣捕務應如所請改歸永順府通判督理以專責成至現  
任之員是否能勝新移之任並一切未盡事宜應令該督等詳細  
分別題咨各部辦理等因道光二年十一月初六日奉

旨依議欽此







沉靖道張映蛟覆核移咨前來查古丈坪同知向有衙署應飭循舊棲止辦公如有朽壞之處照例借廉興修毋庸動項修建至新設古丈坪廳巡檢係由桑植縣下崗巡檢裁汰移駐該巡檢舊有衙署相距寫遠難以拆卸搬移應請動項另建巡檢衙署一所以資棲止又該同知經營命盜詞訟有應行監禁人犯應動項建造監獄一所以資羈禁所有應建巡檢衙署及監獄候奉部議准後再行委員勘估造冊詳辦其下崗巡檢舊署飭令桑植縣估變價銀解司報撥又該同知原奏頒發關防係永順府同知字樣今改為撫民同知應請改鑄永順府古丈坪廳撫民同知關防字樣其移駐古丈坪廳巡檢兼管獄務緝捕亦應改鑄古丈坪廳巡檢專

管緝捕兼理獄務之印至永順府同知原管永順縣十八保捕務除西英等四保現仍同知管理外其餘各保及保靖縣捕務改歸永順府通判經管原頒關防係永順府通判關防等字並未鑄有管理某處捕務字樣應毋庸改鑄所有下崗巡檢舊印現在已交便員解部銷燬其古丈坪同知原頒關防俟改鑄關防到日另行繳部查銷又該同知衙門原設書吏十二名阜快八名民壯十五名捕役十二名門子二名鋪司二名均足數用毋庸另添惟阜快捕役尙有不敷應請添設阜隸四名捕役八名快役八名並添設禁卒四名庫子二名伴作一名再於額設伴作之外另募一二人令其跟隨學習不支工食以上應添各役工食俟奉部議准後在



於通省役食內均勻抽撥另行詳咨至古丈坪廳巡檢係由下崗  
巡檢移駐原設弓兵十四名阜隸二名足敷應用兼管獄務業已  
添撥禁卒亦毋庸另請增添謹會同湖廣總督恭疏具題等因道  
光四年十二月二十日題五年二月二十六日奉

旨

該部議奏欽此於三月初五日鈔出到部查係工科外鈔應聽工部  
查明正鈔辦理仍知照湖廣總督可也

部覆古丈坪營餉准寄古丈坪同知庫內道光五年八月准

戶部咨開湖廣司案呈准 湖廣總督李 咨稱據兼署湖南布

政使王楚堂詳古丈坪營領回官兵俸餉向係寄貯永順縣庫內  
知縣監同散放前據該營以距縣陸路一百四十餘里水路二百  
餘里赴領維艱有同駐一處之古丈坪同知已改為撫民同知請  
改貯撫民同知衙門移會辰永沅靖道查明該同知署內現有房  
屋堪作庫屋毋庸另行建造應請嗣後古丈坪營領回官兵俸餉  
寄貯古丈坪同知庫內由該同知會同營員按季監放出結俾得  
就近請領等情相應咨達等因六月二十九日又准兵部鈔錄湖  
廣總督來文咨部核覆前來查湖南古丈坪營領回官兵俸餉據



湖廣總督咨稱向係寄貯永順縣庫由縣監同散放路途較遠赴領維艱有同駐一處之古丈坪同知已改為撫民同知署內現有房間堪作庫屋請嗣後改貯該同知庫內由該同知會同營員按季監放出結俾得就近請領事屬可行應如所咨辦理仍咨覆湖廣總督可也

部覆換鑄古丈坪同知巡檢關防印信

道光五年九月准咨

禮部咨開儀制司案呈准吏部咨稱吏科鈔出本部會題湖南永順府古丈坪同知巡檢改鑄關防印信等因一疏據該撫疏稱永順府督捕同知請換鑄永順府古丈坪廳撫民同知關防其古丈坪廳巡檢亦應改鑄古丈坪廳巡檢專管緝捕兼管獄務之印等語禮部查定例文武官員印信關防直省由該督撫具題文職由吏部議准撰擬字樣送部鑄造等語今湖南永順府同知請換鑄永順府古丈坪廳撫民同知關防一顆又移駐古丈坪廳巡檢兼管獄務緝捕應改鑄古丈坪廳巡檢專管緝捕兼管獄務之印一顆均應如該撫所請准其鑄給以昭信守仍照例由該撫造具印



模清冊徑送吏部撰擬字樣兼寫清漢送部鑄造頒給所有永順府同知舊用關防俟新關防到日鑄字繳部銷燬其永順府通判關防一顆既據該撫聲稱並未鑄有管理某處字樣自毋庸改鑄至下崗巡檢舊印業經該撫照例送部銷燬等因於道光五年五月二十九日奉

旨依議欽此欽遵移咨前來相應行文該撫遵照辦理可也

湖南古防司正考  
卷二  
三  
湖南古防司正考  
卷二  
三

部覆古丈坪廳添設書役道光五年三月准咨

吏部等部咨開文選司案呈吏科鈔出湖南巡撫嵩孚等題前事等由道光五年二月二十六日奉

旨該部議奏欽此議得湖南巡撫嵩孚等疏稱永順府古丈坪督捕同知改為撫民同知桑植縣上下二崗巡檢裁汰移作古丈坪廳巡檢均定為苗疆要缺應請添設卓隸四名捕役八名快役八名並添設禁卒四名庫子一名件作一名再於額設件作之外另募一二人令其跟隨學習不支工食以上應添各役工食俟奉部議准在於通省役食內均勻抽撥另行詳咨各緣由咨移前來既據疏稱該同知衙門應添工食在於通省役食內均勻抽撥之處核與







